



謝國楨全集

謝國楨 著
謝小彬 楊璐 主編



第二册

北京出版集團公司
北京出版社



国家出版基金项目
NATIONAL PUBLICATION FOUNDATION

謝國楨全集

謝國楨

著



謝小彬

楊

璐

主編



第二册

北京出版集團公司
北京出版社

目錄

增訂晚明史籍考(卷十七至附錄)

卷十七 傳記上	統記有明一代或歷代兼及明季	死節傳記之屬	明季地方文獻人物傳記之屬	明季死事諸臣遺民傳記及朝鮮人撰述之屬	記明代及明季婦女傳記之屬	明季人士所著地方文獻家乘之屬	清代官書所載貳臣逆臣傳記之屬	卷十八 傳記下	別傳之屬	年譜之屬	語錄之屬	未見諸書
.....
一	一	一	四	三五	三八	四〇	四九	五二	五二	六八	八四	八六

卷十九 文集題跋上	有關明季史事文集之屬	卷二十 文集題跋下	有關明季史事文集之屬	有關明季史事題跋之屬	卷二十一 雜記上	當時人雜記時事之書	卷二十二 雜記下	清代及近人雜記明季史事瑣聞之書	彙輯明季史乘之書	日本流傳之記載	未見諸書	卷二十三 明季史料叢刻及書目	明季野史資料叢刻
.....	
一〇六	一〇六	一五六	一五六	一九八	二〇一	二〇一	二四二	二四二	二五二	二五七	二六〇	二七三	二七三

明季稗乘書目……………二九三

未見諸書……………二九六

卷二十四 宮詞詩話小說傳奇 附……………二九八

宮詞詩話詩選之屬……………二九八

小說傳奇之屬……………三二一

未見諸書……………三四九

補遺……………三五六

附錄……………三六八

清開國史料考

凡例	三七三
卷一	三七五
叙論	三七五
卷二	四〇六
清初之檔冊	四〇六
卷三	四五三
明代之記載上	四五三
卷四	五〇三
明代之記載下	五〇三
卷五	五四五

清代官修及近人纂輯之書	五四五
卷六	五七七
朝鮮及日本之記載	五七七
清開國史料考補	五九三
附錄	五九九
重印本識文	五九九
叙論訂補編	六〇〇
點校後記	六三二

史料學概論

序言	六三七
第一章 史部書籍的來源和形成	六三九
一、引論	六三九
二、「史」字釋義	六四〇
三、史料記載的形成	六四一
四、由銘刻到絹帛、漢簡和卷軸	六四二
五、由書寫到版刻	六四四
六、書籍的體裁和目錄的編制	六四六
第二章 目錄學的發展及其流派	六四九
一、史料的發現及「流略之學」	六四九
二、目錄學的流派	六五一
(一)官藏的古籍	六五一
(二)史志	六五三
(三)私家藏書目錄	六五四
三、結語	六五六

附：黃侃七略四部開合異同表	六五七
史部諸目同異分合表	六六〇
第三章 周秦至魏晉南北朝史學源流 和重要史籍的介紹	六六二
一、史部的源流和類別	六六二
二、周秦以後的古代史乘	六六六
三、通史而兼紀傳體《史記》的出現	六七二
四、斷代史的《漢書》	六七八
五、《後漢書》與《三國志》	六八二
六、《晉書》與南北朝史	六八九
七、近三十年來地下出土魏晉以前 重要史乘簡介	六九四
第四章 隋、唐、宋、元重要史籍介紹	六九七
一、唐修諸史	六九七
二、《舊唐書》與《新唐書》	六九九

三、唐代其他史乘	七〇二	和地理方志學	七六五
四、五代十國的史乘	七〇五	一、金石學	七六五
五、《宋史》	七〇八	二、地理方志學	七七二
六、《資治通鑑》和其他宋代史學著作	七一—	第七章 史部類書、叢書、校勘、 辨偽和輯佚書	七八五
七、遼、金、元史	七一八	一、類書	七八五
第五章 明清重要史籍介紹	七二九	二、叢書	七九〇
一、明清史籍的特點	七二九	三、校勘、辨偽和輯佚書	七九五
二、《明史》	七三一	第八章 史學研究方法和工具書的 使用方法	八〇五
三、有關明代的其他史乘	七三六	一、關於傳統的史學研究方法	八〇五
四、關於清史資料	七四七	二、工具書的種類及其使用方法	八〇七
五、清代史乘發展的情況及 近代史資料問題	七五八	三、學習和研究史學的方法	八二二
第六章 史料學的鄰近學科：金石學			

卷十七 傳記上

古今義烈傳八卷 吳江柳氏舊藏傳鈔本

明劍南張岱宗子著。

按：是書哀輯古今義烈之士事迹，始於西周鎬京戊寅，訖於明崇禎甲申，凡四百餘人，共八卷，其第八卷爲甲申殉難諸臣。據其凡例謂：「書某代以崇厥系，書某客以榮厥主，蓋有一字之予奪焉。」前有陳繼儒、劉光斗、祁彪佳、馬如蛟、劉榮嗣序，自序，凡例。其書雖不盡記明季史事，而實爲明季義烈激發而作。

成仁譜二十六卷 清道光乙巳刊朽木活字本

明太倉盛敬寒谿輯，同邑後學邵廷烈子顯編校。

按：敬，字宗傳，號寒谿，與陸世儀、陳瑚、江虞九友善，稱嘉定四先生。厭薄聲華，不事舉業，與世儀合著思辯錄。是書輯歷代殺身成仁之士，以之鼓勵民族氣節，卷二十至末爲輯明萬曆遼事之變以及明末死義殉節之士。

明名臣言行錄壹百卷 原刻本

明崑山徐開任季重撰。

黃宗羲序略云：徐子是錄，大略不出於事功、節義二者，其間事功有大小，節義有勇怯，亦視其本領之闊狹，有盡有不盡耳，要不可謂無與於此者也，以是求之，顧未嘗不嚴也。近時僞書流行，聊舉一二，如甲申之死難，則

雜以俘戮，如陳純德等。逆閹之難，則雜以牖死，如丁乾學等。楊嗣昌喪師誤國，籲天錄頌其功勞，洪承疇結怨秦人，綏寇紀略張其撻伐，高官美謚，子姓私加，野鈔地志，織兒信筆，此錄庶幾收廓清之功矣。

楊鍾羲雪橋詩話卷一云：季重輯有明名臣言行錄百卷，全謝山謂其搜羅稗野諸鈔，與實錄相參錯，可謂勤矣。至成祖靖難功臣如張河間、朱東平，則并不錄，竟闕一朝人物，不知何意。

按：開任字季重，崑山人，明諸生。是書卷八十至卷九十五記晚明殉難諸臣之事極詳，前有彭士望、黃宗羲序及自序凡例。據其自序云：「東林以氣節相高，而攻東林者，藉調護官府以求勝，精神智術，盡銷沉於相傾相軋之中，一切吏治、邊防、民生、國計，俱置不問，寵賂滋章，風俗大壞。」為持平之論，不作偏私之見，足稱信史。

前明忠義列傳三十二卷 墨花齋聚珍本 補刊本 清光緒丁丑重刊本更定為史外八卷附國變難臣鈔記一卷

清無為汪有典訂頑纂。

王斌序略云：汪君嘗見有明一代忠義士多於前古，正史所載綦詳，然其間子衿處士，鄉社布衣，以及深山幽閨之碩女，從容而就義者不可勝數，史多闕焉。乃歎曰：「知人論世，儒生之責也；抱殘守缺，學者之羞也。且前代迄今，百有餘歲，相去未遠，不以此時考訂而傳述之，將終聽其泯泯乎？」於是廣稽博采，有美必揚，無微不著，積數十寒暑而成一書，仿太史公列傳體，凡如干卷。雖窮巷幽人，亦必詳明剖晰，為立一傳，令觀者忠義之氣勃然而興，大半皆正史所未及，其筆意簡潔明淨，離奇斷續，而又丰神宕逸，慷慨淋漓，殆善學龍門而入廬陵之室者歟。

李慈銘越縵堂祥琴室日記云：汪氏史外，亦名前明忠義列傳，共三十二卷。卷一、卷二為方孝孺至程濟等，

卷三爲劉球至海瑞等，卷四爲張振德至王三善等，卷五、卷六爲萬燦至劉鐸等，卷七爲劉之綸至孫承宗等，卷八、卷九、卷十爲衛景瑗至何燮等，卷十一爲盧象昇至范淑太等，卷十二、卷十三、卷十四爲范景文至鞏永固等，卷十五爲張令至李昌齡等，卷十六爲廬州忠義合傳，卷十七爲焦源溥至雷縉祚等，卷十八至卷二十七爲福、唐、桂、魯死事諸臣史可法至薛大觀等，卷二十八爲文學許琰理鬯和十九人合傳，及劉孔暉至許文岐等，此卷標題稱布衣諸公合傳，然所列許琰等十九人，皆諸生，故其傳叙作文學諸公傳。至劉孔暉等六人皆職官，而王漢則河南巡撫也，蓋標題之誤，今正。卷二十九爲許布衣、畫網巾先生合傳，鄧、歐、石三布衣合傳，卷三十爲遺臣姜埰等，卷三十一爲史八夫人、沈雲英、劉淑英，卷三十二爲國變難臣鈔記，據沙偉業先世舊鈔，甲申三月燕京之變，被難諸臣凡分七日，一曰死難姓名，二曰刑辱姓名，三曰囚辱姓名，四曰潛身姓名，五曰叛逆奸臣姓名，六曰受贓官職姓名，七曰誅戮姓名。采薇子、一壺先生合傳。汪氏名有典，字起謨，一字訂頑，安徽無爲人。其書成於乾隆初，尚在明史未效之前，雖間傷冗雜，而議論激發，志節忼慨，想見其人，所紀亦頗詳慎。

按：是書彙輯有明一代忠烈事迹，起於方孝儒，終於明季死難諸臣，後附國變難臣鈔。作者舉所見聞，書之於冊，至授梓時，始排次朝代，然間亦有不及排正者，前有金沙王斌序，青州馮愿、天津王又樸、同里王夢鯨序，門人朱辨賢識，門人范允袋凡例，道光二十五年鎮洋邵廷烈識。墨花齋聚珍本題曰前明忠義列傳三十二卷，清光緒丁丑重刻本更易原書名爲史外，凡八卷，附錄一卷，并改題爲濡須汪有典著。據王又樸序謂：「濡須新安間有兩汪子焉，濡須之汪子，則名有典字起謨者也。起謨之爲人，貧而能樂，但見其瓶之罄，踵之決，而未嘗見其顏之戚也。」訂頑曾有明人事類纂之作，後乃專取其節烈事，因胡文定公有「史外傳心」之語，題曰史外，以見其著書之旨。門人范允袋凡例：稱其家素貧，以授徒爲業，喜治史事，議論成敗得失，瞭如指掌，尤爲不愧前人。創始於雍正癸卯，積十餘年之力乃成是編。是書彙輯有明一代忠烈傳記，而於明季弘光以來忠義之士抗清事迹，言之

激昂風發，極爲生動，如對於皖南金聲、吳應箕諸人行事所記尤詳。吳應箕傳引冒襄序謂：明崇禎間社盟之盛「刑牲而盟，告之天地父母，依蓋終身，砥礪期許。大江以上爲吳樓山、劉伯宗城，大江以下爲楊維斗、張天如，而維揚上下之間，聯絡八省，郵合吳楚則余（冒襄）與鄭超宗元勳、梁湛至于涘。以影園爲都會」。足以見大江南北明季人士結社之情況。是編采輯遺事，曲盡其詳，研究明季史事，南疆逸史等書而外，則當以是書最足參考。

以上統記有明一代或歷代兼及明季死節傳記之屬。

續表忠記八卷二續表忠記八卷 吳興嘉業堂劉氏舊藏清康熙刻本 海鹽朱氏舊藏清康熙刻本

清四明盧宜弗庵彙輯，初集題：休寧趙吉士恒夫撰。

四庫總目史部傳記類存目云：是書記明萬曆以後忠義之士，以明錢士升有表忠記，記遜國諸臣，故此以續爲名，所載凡一百二十三人。然前所載，皆死魏忠賢之禍者，故所載皆明末殉節者，而參雜以葉向高、顧憲成、趙南星、鄒元標、馮從吾諸傳，體例不純。蓋其時去明未遠，猶存標榜之風，不知諸人致命遂志，取義成仁，其事自足千古，正不必牽附東林而後足以爲重也。

董沛鄞縣志人物傳十六云：宜字弗庵，晚字函赤，世爲寧波衛官。毛奇齡撰墓誌。宜稟姿穎悟，韶齷能文章，孝

友剛方，三補耆舊傳。丁父憂幾至滅性。康熙五年舉鄉試，墓誌。十五年任蕭山教諭。蕭山縣志。諸生毛奇齡以亡命之餘歸里，怨家多相齮兀，又以制舉荒落，連試下第，宜獨奇其才，拂拭之備至。全祖望書毛檢討忠臣不死節辨後。二十

四年，授鎮遠知縣，墓誌。歸後家居二十餘年，曹志。杜門著述，尤究心史傳諸書，續耆舊傳。卒年八十。墓誌。

林時對二續表忠記序略云：余友盧公弼先生，自盛年習帖括，即留心史學，於啓、禎以來尤爲注意，凡稗官野乘所載，典型耆舊所傳，不憚孳孳矻矻，從事編摩。及官黔中，涖任甫十日，輒賦遂初。歸而益加采輯，閱歷歲

時，已踰三十年，以余雖偃仰林泉，曾諳習開、寶遺事，時諮詢及之，其徵文徵獻，可謂實其腹而虛其心矣。於是仿嘉善錢塞翁相國遜國表忠記義例，纂爲續記，叙事典核，而敷辭又復高朗。余每讀一過，深切服膺，曾弁引其端，謂可公之同好，而猶不自滿假，挾其草本赴長安，就正於宿儒魁文，遇寄園主人，出其藏書是正之。且捐清俸，先刻初集於京邸，業爲名公巨卿所賞識，家有其書矣。己卯冬臘南旋後，取篋中所存者，再刻八卷以問世，名曰二續表忠記，尚有三續、四續，隨擬梓行，先生之用心，亦專且篤矣。先生兼擅三長，而又考之必確，羅之必詳，令人一展卷而原原委委，是是非非，不啻燭照而數計焉。幽光既發，信史咸資，讀是記者，人人自有具眼，謂予之阿其所好也，必不然矣。康熙三十九年仲秋月，前庚辰進士黃門拾遺林時對璽庵題。

自序略云：元之吳立夫，輯宋祥興以後忠臣志士，作桑海餘錄，求之海內藏書家，僅存其序，而書究不可見，好古論世者，每深惜之。余有感於勝國之際，一時士君子以身殉國者，在在有之，而其事不必盡傳，思廣搜博采，哀爲一書，又耳目之尠淺，野乘之駢駁，不足以恃以傳信，故歷久未就，止據見聞最確者，筆諸寄園雜錄而已。丁丑夏四明盧公弼抵輦下，攜所撰述示余曰：「此某罷對公車以來，仿錢相國士升遜國表忠記義例，朝夕采輯，審之又審而存焉者，先生其正之。」余詳加翻閱，見其書上自天啓改元，下迄崇禎甲申，諸君子之死闔禍、死國難者，或一人獨立傳，不厭其繁；或數人共立一傳，不嫌其略；記事核而論斷精，肆力可謂勤矣。惜乎所載尚多罣漏，而一事異辭者之鮮所決擇也，因出余寄園雜錄，相與參考而增損之，名之曰續表忠記，志不忘所自也。昔韓退之聞張籍述于嵩，而詳書張、許二公及南霽雲事；歐陽永叔既傳王彥章於史，及見畫像，又補前所未及，蓋甚慮一人之失傳，一事之偶遺耳。余與公弼幸生勝國諸君子後，相去未遠，今執筆以傳其生平，承訛襲謬不加之審慎歟？嚮城陸翼王爭光集，番禺屈翁山成仁錄，實先得我心，余此刻未敢信爲一無罣漏，亦止竊附立夫桑海遺意而已。

全祖望鮚埼亭集外編卷三十三書毛檢討忠臣不死節辨後略云：蕭山毛檢討奇齡有三大辨，其一爲忠臣不死節文。異哉，其立言也！忠臣不必盡死節，然不聞死節之非忠臣也。世知檢討之文，由於盧鎮遠宜所作續表忠記，而不知其所以然。鎮遠，予同里先輩也，初任蕭山教官，其時，檢討以亡命之餘歸里，得復諸生名籍，怨家不能忘情，多相齷兀，而又以制舉荒落，連試下等，鎮遠獨奇其才，拂拭之備至，檢討亦感之甚，其所謂師弟，非尋常學舍中人比也。鎮遠所作續表忠記，其初集爲趙給事吉士所雕，二集爲程上舍某所雕，皆與檢討論定而出者，即令檢討爲之序，今所雕乃檢討手書本，字畫甚拙，可覆審也。鎮遠遷官而卒，檢討志墓亦載其事，已而京師有戴名世之禍，檢討懼甚，以手札屬鎮遠之子曰：「吾師所表章諸忠臣，有干犯令甲者，急收其書，弗出也。」其子奉其戒惟謹，乃檢討懼甚未止，急作此辨而終之曰：「近有作續表忠記者，猥以長平之卒，濫充國殤，而假託余序，恐世之人不知，將謂不識名義，自我輩始，故不可無辨。」又改其志墓之文曰：「公之續表忠記，假予爲序。」嗚呼，何其悖歟！檢討所作鎮遠墓誌底本并其手札，至今猶藏盧氏，其子嘗流涕出以示予，予因爲記之。若以續表忠記言之，其紀事誠有未核，文亦多不工，雖予不敢以同里爲之辭，特檢討親爲之序，而反覆如此，其心原不爲書之是非起見，則可駭也。

按：謝山所爲毛檢討別傳，亦言此事，大旨與此略同。

鮚埼亭集外編卷四十四與盧玉溪請藉鈔續表忠記書略云：某前再四敦請，欲爲弗庵先生續表忠記三集鈔一副墨，蒙先生亦以見許，而終未拜賜。某知先生所以遲疑者，一則名山秘乘，或多嫌諱；一則都尉史編，非其人不可妄傳，所當遲遲以俟桓譚、侯芭者流，斯二者皆是也。又云：明季野史凡千餘家，其間文字多蕪穢不足錄，若崢嶸獨出，能以史漢手筆備正史之藍本者，紀事則梅村綏寇紀略，列傳則續表忠記而已。梅村之書，被鄒

南漪改竄芟削，非復舊觀，表忠記則全豹未窺，均爲遺憾。若以鄙言可采，不加棄斥，所望歸帆得假受業，先生亦老矣，一旦風波意外，遺書孰問，令我曹抱杞宋之悲，斯則所大懼者也。

按：以上二記，一則曰亦多未工，一則曰以史漢手筆備正史之藍本，謝山之文，不應顛倒如此。意者與盧玉溪之書，對其先世著述，不得不加飾詞，或當時未知其內容如何。至書毛檢討忠臣不死節後，時則已讀其書，故能判別其是非也。

原書後某叟跋云：盧公弼續表忠記，乃門人董夢蘭所贈，讀之波瀾意度，乃是國初名手，公弼此記外，別無傳作，余甚異之。昨檢鮎埼亭集外編，知毛西河太史爲公弼門人，曾經西河校定而後問世，西河有親筆記叙，後西河畏有文字之禍，致書公弼之子，令其毀板，勿以示人，故序已削去。趙恒夫編纂行之，所謂編纂，殆刊資出自趙氏，記書仍盧氏之舊，西河本色，時時流露行間，祇是西河早年所爲，起伏照應，較本集傳志爲周密，子孫寶之。

按：錢士升有表忠記。是書記萬曆以後忠義之士，上起天啓，下訖崇禎甲申，故曰續表忠記。公弼凡有數續，已刻者共有二集，初集爲趙吉士所雕，故題趙吉士之名，二集爲程上舍某開雕，實均盧公弼所撰也。初集爲毛奇齡所序，并爲公弼作墓誌，後怵於戴名世南山集之禍，乃深諱之，詳全祖望鮎埼亭集外編。當時尚有礪城陸翼王之爭光集，屈翁山之成仁錄，皆記殉節之事，惟爭光集則未之見，是書前有自序及汪灝等序。

精忠貫日一卷 北京大學圖書館藏舊鈔本

不著撰人名氏。

按：封面題太璞生稿，究不知太璞生爲何許人也。是書彙輯其所著郭正域、熊廷弼傳，明末鄂城殉難諸公合傳，明末承天殉節諸臣傳，明末承天郡人殉難紀略，廖氏、劉氏、歐陽氏三烈婦合傳，葉映榴、宣德仁合傳，尹大

用、田啓華、彭國藩傳，嚴石舫傳，韓二鶴傳。尹大用、田啓華等均爲清乾隆時人，則著者當生於清乾隆末葉也。

自靖錄考略八卷外編一卷 清咸豐戊午嘉興竹里王氏槐花吟館刊本

清嘉興高承挺撰，男佑鈺補，同里後學王逢辰芑亭考證。

沈銘彝序略云：吾里高愚公先生，以讀書世其家，爲文士；出宰衝邊，全城死守，爲才吏；瀝血上書，爲父訟冤，爲孝子。甲申以後，忍死奉母，觀其吊同年殉難詩云：「可憐李黼榜，偃蹇老維楨。」又病中述志云：「惟將前進士，慘淡表孤墳。」蓋其低回結轡，有餘悲焉，此自靖錄所以作也。先生卒於順治戊子正月，此書末卷載及癸亥臺灣平之日，則長公佑鈺所續。又徧走南北，乞資舊雨，方得付刊。刊成，秘不廣印，以板置所居光裕堂複壁中。乾隆丁酉，先生之曾孫士敦，作令山左黃縣，其婿范璐恐有諱忌，取板火之，靡有子遺。嗚呼！明末死事諸臣，我世祖皇帝，既易名褒闡，康熙十八年，聖祖皇帝詔修明史，徵遺書，凡明末紀載進呈乙覽者，不可勝紀。奈何付之一炬，使忠烈之精氣鬱而不伸，此考古之士，每爲之髮植毛豎，太息扼腕於不學無術也。銘彝爲先生同里後進，束髮後聞長老言，即知先生忠孝兩全，心切仰止。又自戊戌年復哉翁士敦歸田後，不時過從，得讀太常屯田虞衡行狀及所著述，益歎清門爲東南冠冕，而詢及自靖錄，復哉翁亦云未嘗刷印。庚戌春，復翁捐館，是秋，其子恪亭相繼化去，數年中，光裕書畫玩好及先世墨寶，盡爲人攫去無存，余每過其廬，不勝雲烟過眼之感；他物如此，則自靖錄之不可復求於碧落黃泉間，固不待言矣。今年三月十六日，偶過同里福村橋趙氏宅，無意之中，忽見此書於皮閣上，書面灰塵積有寸餘，拂拭出之，喜不自勝，即以重價易歸。蓋趙氏之先名學昌，字翰書，康熙戊子科鄉貢進士，曾宰廣東興寧，此書乃其手錄，已及百年，紙墨如新，神靈呵護，良非偶然。翻閱一過，知其於殉節故實，直書其事，并無譏議本朝之語，其爲可傳無疑。正如祖伊奔告，第痛惜殷之所以失絕，不議周之所以得，

於以見愚公先生才識之高。而余於此書，始則求之而不得，繼則不求而得之，非平生一大快事歟！乾隆六十年乙卯三月二十日，同里後學沈銘彝謹書於金鷲山館。

按：承埏，字愚公，一字澤外，嘉興人，明崇禎間進士，官寶坻知縣，清師南下後，遂隱居不出，著有稽古堂集、自靖錄等書。愚公卒於清順治戊子，而是書末卷載及康熙癸亥清軍平定臺灣之時，則爲其男佑鉅所補撰。所記以崇禎時忠烈事迹爲主，兼及丙戌丁亥而後死難人士，由京畿而及各省，分隸各卷，廣搜博采，詳記其生平，故又名崇禎忠節錄。刻於江寧，原板旋毀，流傳不廣，至咸豐間同里王逢辰獲其手鈔底稿，爲之校訂重刊，但經改編，書清廷所錫謚法，恐非高氏原本之舊矣。前有沈銘彝序，王逢辰凡例。

殘明忠烈傳十六卷 北京大學圖書館藏傳鈔本

原題：延陵西泠氏編。

西泠氏序略云：余嘗觀崇禎紀略、崇禎遺錄、表忠錄諸書，深歎明末執政諸臣，皆計圖苟安，委靡不振，致令忠臣義士徒盡節於疆場，僅留名於青史，致足慨也。昨於舊笥中檢得數紙，悉記當日殉難諸人，斷簡殘編，不分卷帙，查諸史大半未收。方今聖天子宏開史館，纂修明紀，於明末忠正之臣，舉封墓典。余故惜其人之忠於國，而名之不彰也，因特分爲殉君、殉國、殉畿輔、效死、殉桂、違制六傳，各因其事，以繫其人，并以表忠錄已有傳紀，特申其名曰殘明表忠錄，後有作者，其亦可備一覽云。康熙歲在柔兆敦牂之壯月，延陵西泠氏序於枕經山館。

江適泉序略云：近於藏書家購得西泠先生殘明表忠錄鈔藏秘本，備載明末諸公事實出身，姓名羅列，事迹燦陳，頗覺與他書較爲真實。備查各刊繕本，均無此書名目，其詞義樸而不文，簡而且賅，知其爲野乘之流，洵足備史家之采擇也。道光十五年乙未秋江適泉序。

按西泠氏事迹不詳。是書記明季抗清死難之士，分爲殉君、殉國、殉畿輔、效死、殉桂、違制六類凡十六卷二百六十六人，文字簡淨，記載賅博，每傳之後，均留有餘紙，以備增補者，知爲當時稿本；惟史可法列入殉桂傳中，則不知何解。惜此書原稿在抗日戰爭前爲書賈售諸美國，燕京大學圖書館曾爲錄副，今藏於北京大學圖書館矣。

江表二臣傳一卷 上海涵芬樓舊藏鈔本

不著撰人名氏。

按：二臣爲史可法、黃得功，附淮城紀事、嘉定縣乙酉紀事、浙東紀略等五種。按又有胡長新撰三忠合編六卷，未知內容究係記明季遺臣事否，附其目於此。

愍忠錄二卷 崇禎叢書十種本

不著撰人名氏。

按：是書所記北都、保定、陝、甘、山西、南都等處明季死難諸臣，獨不及蜀，因「蜀已糜爛，書不勝書」。間附小傳，前有葉晴峰序，無關史事不錄。

忠貞軼記一卷 崇禎叢書十種本

明江左徐懋賢輯。

原序云：順天教授徐君懋賢，手輯忠貞軼記，載京師甲申殉節之士，挺身赴義，視死如歸，其所紀半屬儒生，間及一二武職閑曹，要以闡揚幽光，補國史所不及。至於烈婦貞媛，尤不勝書。是書輯於甲申歲，當時見聞，要屬詳實，且其言甚質樸，足爲一時實錄。